



Fidoyilik —
Vatanga xizmat demak!

2023-yil 19-yanvar, payshanba,
7 (23.728)-son

KUN
HIKMATI

Hammaning
ko'nglini olish
qiyin, biroq bu
ishga har kuni
urinish zarur

1913-yil aprel oyidan chiqq boshlagan



www.zarnews.uz https://www.facebook.com/zarnews.uz @zarnews_uz https://twitter.com/zarnews_uz



“AMIR TEMUR JANGOVAR BAYROG'I” SAMARQANDDA

tantanalı kutib olindi

Mamlakatimiz Qurollı Kuchları tashkil etilganining 31 yilligi hamda Vatın himoyachıları kuni munosabati bilan Prezident administratsiyasida o'tkazilgan tantanalı tadbırda Markaziy harbiy okrug qo'mondoniga davlatimiz rahbari tashabbusi bilan ta'sis etilgan “Amir Temur jangovar bayrog'i” topshirildi.

Bu yil ilk bor mazkur bayrog' uchun o'tkazilgan tanlovda Markaziy harbiy okrug qo'shinlari g'olib bo'ldi.

Marosimda davlatimiz rahbari “Bu okrug o'tgan qisqa davrda harbiy xizmatchilarni jismoniy va ma'naviy tayyorlash, yoshlarni vatanparvarlik ruhida tarbiyalash, harbiy qismlarda o'quv-moddiy bazani mustahkamlash bo'yicha muhim natijalarga erishdi. Bu ijobiy tajribani chuqur o'rganib, uni barcha qo'shinlarga tatbiq etish zarur, deb hisoblayman. Shu bilan birga, barcha harbiy okruglarimizga Amir Temur bobomizning muzaffar bayrog'iga sazovor bo'lish baxtini tilayman”, degan edi.

17-yanvar kuni “Amir Temur jangovar bayrog'i” Samarqandga keltirildi. Bayrog' dastlab Bulung'ur va Jomboy tumanlari ko'chalardan olib o'tilib, Samarqand shahriga keltirildi.

Ko'ksaroy maydonida o'tkazilgan tadbırda viloyat hokimi, viloyat harbiy-ma'muriy sektori rahbari E.Turdimov Markaziy harbiy okrug qo'mondonligini ushbu mukofot bilan tabrikledi.

Registon maydonida harbiy parad tashkil etilib, shahar ko'chalari bo'yab bayrog' olib o'tildi.

— “Amir Temur jangovar bayrog'i” qo'shinlarimizning jangovar faoliyati yuqori darajaga olib chiqilgani uchun berildi, — deydi Samarqand garnizonidagi harbiy qism komandiri o'rinbosari, podpolkovnik A.Sotov. — Bayroqda kuch-qudrat manbaining ramziy belgisi sifatida sher va uning yelkasida ma'naviyat-ma'rifati, tinchlik, yorug'lik va yuksaklikka intilish timsoli bo'lgan quyosh tasviri chizilgan. Milliyigimiz ramziy belgisi sifatida sakkiz qirralı yulduz va Amir Temur qo'shinlarida joriy qilingan uch halqa shakli tasvirlangan. Shuningdek, “Temur tuzuklari”dan “Davlat lashkarlari fuqarolarning sadoqati va fidoyiligi ıla qudratidir” so'zlari bitilgan. Ya'ni davlat hamma vaqt ham moddiy boyligi bilan kuchli bo'la olmaydi. Aksincha, yurt boshiga ish tushganida, xalqining sadoqati fidoyiligi va ma'naviyati ıla qudratli bo'ladi.

Fazliddin RO'ZIBOYEV.

Kecha, 18-yanvardan viloyatimizning barcha umumiy o'rta ta'lim maktablarida darslar boshlandi. Ayni kunlardagi sovuq sabab ayrim ota-onalar farzandlarini maktabga yubormagani, qaysidir maktablarda isitish tizimlaridagi muammolar tufayli davomat tushdi.

Shunday bo'lsa-da, zahmatkash, xalq ma'rifati, ma'naviyati yuksalishi uchun har ishga qodir pedagoglarimiz borki, ular hatto darsga bir yoki ikki nafar o'quvchi kelganida ham, saboq o'tishdi, o'ziga yuklatilgan vazifalarni sidqidildan ado etishmoqda.

Bunday jonkuyar o'qituvchi va murabbiylar, shubhasiz, bugungi kunimizning qahramoni, fidoyilaridir.

KUN FIDOYISI



Bir mahalla - bir mahsulot



PULNI “SUPURIB” OLAYOTGAN QISHLOQ

Supurgi sotib mashina yoki uy olsa bo'ladimi? Agar uni xorijga eksport qilsa-chi? Supurgi tayyorlovchilarning qo'l ostida o'nlab odamlar ishlashini bilasizmi? Bu faktlarga ishonish qiyin. Sababi, biz supurgichilarni mahallalarni oralab xaridor qidiradigan kosh sifatida tasavvur qilamiz. Ularning yashash tarzi, kasbi, daromadi, rejaları haqida deyarli hech nima bil-maymiz. Aslida esa...

(Davomi 2-sahifada) >>>

Vazirlar Mahkamasining 2021-yil 10-fevraldagi qaroriga ko'ra, “Zarafshon” gazetasi 2023-yildan lotin yozuviga asoslangan o'zbek alifbosida chop etilmoqda.

Mushtariyalarimiz orasida yoshi katta kishilarning ko'pligini yaxshi bilamiz. Bizga maktub yo'llaydiganlar, maqolalarga munosabat bildirayotganlar orasida ham 50, 60 yoshdan yuqori bo'lgan aholi ko'proq va ular kirill alifbosidan foydalanadi. Ammo lotinchaga o'tish haqidagi fikrlar kecha paydo bo'lib qolgani yo'q. O'ttiz yildan buyon shu haqda gapiramiz. Masalada uzoq yillik tebranishlar, aniq qarorga kela olmaganimizdan ko'pchilik, ayniqsa, yoshlar aziyat chekmoqda.

Lotinchami yoki kirilcha?



Jamiyat ham, yosh avlod ham yozuvimiz yangi alifboga to'liq o'tishini sabr va intizorlik bilan kutmoqda. Bu masalada har yili oz-ozdan bo'lsa-da, siljish bo'ldi, badiiy, ilmiy adabiyotlar shu alifboda chop etildi. Boshqaruv idoralari hujjatlarni yangi alifboda yuritib boshladi.

Lotin yozuviga asoslangan o'zbek alifbosida savod chiqar-ganlar bugun 35 yoshdan oshdi. Ammo ular hanuzgacha ikki alifboda ham ish yuritishga majbur bo'layotir, bu ularning savodxonligiga ta'sir o'tkaz-may qolmadi, albatta. Afsuski, jiddiy qadamlar tashlanayotgan bir paytda negadir respublika gazetalari hamon kirill alif-bosida chop etilmoqda. Shu sababli, tahririyatimizga e'tirozli qo'ng'iroqlar bo'lyapti.

“Nega gazeta lotin alifbosida chop etilyapti, men gazetaga obuna bo'lgan paytim u kirill alif-bosida chiqardiku? Vazirlar Mah-kamasining qarori ijrosi, boshqa gazetalarga taalluqli emasmi?” kabi e'tirozlarni eshitaypmiz.

Rostdan ham respublikada-gi ayrim gazetalarni hisobga olmaganda, aksari hamon kirilda chop etilmoqda. Vaholanki, bu-gungi jamiyatning ziyoli qatlami lotin alifbosiga o'tish va buning uchun aniq, keçkin choralar ko'rish lozimligini ta'kidlashmoq-

da. Afsuski, amalda buning aksi bo'lyapti.

To'g'risi, gazetaning yangi alifboda chop etilyotgani tahririyat xodimlari uchun ham oson keçhayotgani yo'q. Bu yerda faoliyat ko'rsatayotgan xodimlarning ham katta qismi kirill alifbosida savod chiqar-gan, qolaversa, neçha yillardan beri shu imloda gazeta nashr qilib kelyapti. Shunga qaramay, bu-gungi kun talabidan kelib chiqib hamda yoshlar orasida ham au-ditoriyamizni kengaytirish uchun shu yo'lni tanladik.

Gazetamiz telegram kanalida lotin yozuviga asoslangan o'zbek alifbosida chop etilishi bo'yicha so'rov o'tkazganimizda ko'pchilik yangi alifboga o'tilishi kerak, degan javobda o'xtalgan. Izohlarda ham “Boshqa iloj yo'q, qancha tezroq o'tsak, shuncha yaxshi”, “Yoshim 50 da, lotin alifbosini o'qishga ko'nikma hosil qildim, shunday yo'l tutishimiz kerak”, degan fikrlar ko'proq ekaniga guvoh bo'ldik. Rostdan ham jamiyatning o'g'riqli muammolari - savodxonlik masalasida gazeta birinchilardan bo'lib qadam tashlamas ekan, boshqalardan nimani kutamiz?! Umid qila-mizki, gazetaning ziyoli, zukko o'quvchilari bu qadamimizdan yozg'irmaydi, aksincha, bizni qo'llab-quvvatlaydi.

Ijtimoiy soha ob'yektlariga ko'mir xaridi uchun qo'shimcha mablag' ajratildi

Bir haftadan ziyod davom etayotgan anomal sovuq aholi uchun ham, korxonalar va tashkilotlar hamda mahalliy hokimliklar uchun ham murakkab kechmoqda.

Bunday vaziyatda ayniqsa, aholi xonadonlari, ta'lim va tibbiyot muassasalarini elektr energiyasi, tabiiy gaz va qo'mir mahsulotlari bilan ta'minlash, yetarli darajada is-siqlik bo'lishiga erishishga alohida e'tibor qaratilmoqda.

Viloyat hokimligida, shuningdek, barcha tuman va shaharlarda, kommunal soha tashkilotlarida tunu kun faoliyat ko'rsatadigan shtablar, avariylarni tezkor bar-taraf etish uchun qo'shimcha brigadalar tashkil etildi. Ushbu tizimlar orqali va bevosita aholi tomonidan bildi-riyotgan murojaatlar belgilangan vaqtda ko'rib chiqilib, tezkor hal etish choralari ko'rilayotir.

Albatta, oson bo'layotgani yo'q. Elektr energi-yasi, tabiiy gaz va suv tarmoqlarida juda ko'p ava-

riyalar kuzatilmoqda. Ortiqcha yuklama, tarmoqlarning muzlab qolishi va boshqa kutilmagan holatlar avariylarni o'z vaqtida bartaraf etishga xalaqit qilmoqda. Shunga qaramay ushbu sohalarining fidoyi xodimlari tunu kun o'z vazifalarini bajarib, muammolarni tezkor hal etish choralari ko'riyapti.

Sinovli kunlarda aholining ijtimoiy ko'makka muhtoj va ehtiyojmand qatlamini moddiy qo'llab-quvvatlash uchun mahalliy hokimliklar tomonidan oziq-ovqat va ko'mir mahsulotlari tarqatilmoqda. Sovuq kunlarda ko'chalarda mehnat qilayotgan obodonlashtirish va boshqa sohalar xodimlari uchun, shuningdek, ehtiyojmandlarga bepul issiq ovqat tashkil etildi.

Tabiiy gaz yetib bormagan va gaz bosimi past bo'ladigan hududlardagi ta'lim va tibbiyot muassasalari

joriy mavsum uchun davlat tomonidan ko'mir yoqilg'isi bilan ta'minlangan bo'lsa-da, bugungi vaziyatdan kelib chiqib, tuman va shahar hokimliklarining farmoyishlari bilan mahalliy budjetning zaxira jamg'armasi mablag'lari hisobidan ko'mir xarid qilishi uchun pul ajratildi.

Jumladan, Nurobod tumanida 329 million so'm, Payariq tumanida 128 million so'm, Toyloqda 92 million so'm, Bulung'ur tumanida 45 million so'm, Samarqand shahrida 30 million so'm ushbu maqsadga yo'naltirildi.

“Ko'mir ta'minot” MChJ Samarqand filialining ma'lumotlariga ko'ra, mavsum boshidan buyon aholiga 105 ming 92 tonna ko'mir mahsulotlari yetkazib berildi. Jumladan, o'tgan kuni ushbu ombor va shoxob-chalardan aholi 502 tonna ko'mir xarid qildi. Hududiy ko'mir omborlarida 880 tonna ko'mir zaxirasi mavjud.

“O'zbekko'mir” aksiyadorlik jamiyati tomonidan 099 tonna ko'mir mahsulotlari temiryo'l orqali yetkazib kelinmoqda.



PULNI "SUPURIB" OLAYOTGAN QISHLOQ

(Davomi. Boshlanishi 1-sahifada).

SUPURGICHILAR QISHLOG'I BILAN TANISHUV

Payariq tumanining markazidan 25 kilometr uzoqlikda joylashgan To'polos mahallasidamiz. Besh qishloqni o'z ichiga olgan mahallada 4 ming 500 nafarga yaqin aholi istiqomat qiladi.



Jarayon bilan tanishishdan oldin hududning o'ziga xos jihatlari, aholining turmush tarzi, mashg'ulotlariga qiziqdik. To'polos mahallasidagi hokim yordamchisi Oybek Aliqulovning aytishicha, mahalla hududi dehqonchilik va chorvachilikka moslashgan ekan.

- Bu aholining tadbirkorlik bilan shug'ullanishiga to'siq bo'la olmaydi, - deydi O.Aliqulov. - Misol uchun, o'tgan yili 55 nafar fuqaroga tadbirkorlikni yo'lga qo'yishi, daromad keltiradigan ishni boshlab, o'zini o'zi band qilishi uchun 1 milliard 84 million so'mga yaqin imtiyozli kredit ajratildi.

- Bu aholining tadbirkorlik bilan shug'ullanishiga to'siq bo'la olmaydi, - deydi O.Aliqulov. - Misol uchun, o'tgan yili 55 nafar fuqaroga tadbirkorlikni yo'lga qo'yishi, daromad keltiradigan ishni boshlab, o'zini o'zi band qilishi uchun 1 milliard 84 million so'mga yaqin imtiyozli kredit ajratildi.

ISH KONVEYER USULIDA AMALGA OSHIRILADI

Hokim yordamchisi hamrohligida qishloqni oraladik. Ochiq i, kirgan birinchi xonadonimizdayoq hayratimiz oshdi. Uyning birinchi qavati hamda hovlisida xomashyo va yangi tayyorlangan supurgilarni saqlash uchun maxsus joy qilingan.

Bizga peshvoz chiqqan Shahzod Jo'rayev darvozaxonadagi supurgilar sotishga chiqarish uchun hozirlanganini aytdi. Oolganlari ham talabga qarab bir-ikki kunda bozorga chiqarilar ekan.

- Bir vaqtlar ota-bobolarimiz ro'zg'orga qo'shimcha daromad bo'ladi, deb supurgi bog'lagan, - deydi Sh.Jo'rayev. - Albatta, o'shanda tayyorlangan supurgilarni o'zlari, uyima-uy yurib sotishgan. Yillar o'tib bu ish takomillashdi. Hozir qishlog'imizdagi 20 ga yaqin xonadonda supurgi bog'lansa, qolgan hamqishloqlarimiz shu xonadonlarda mehnat qilib, umumiy ishdan daromad oladi.

uyda mavsum vaqtida 20 nafargacha odam supurgi bog'laydi. Sotuvchilar alohida ishlaydi. Ular bizdan supurgini ulgurji narxlarida olib, joylarga tarqatadi. So'rab bilsak, sotuvchilar ham viloyatimizning hududlarini bo'lib olgan ekan.

XOMASHYO AFG'ONISTONDAN IMPORT QILINADI

Diqqatimizni tortgan jihat - bu supurgi yasashda ishlatiladigan o'simlikning boshqa viloyat, hatto davlatdan olib kelinishi bo'ldi. Unumdor, sersuv yerlarimiz bo'lsa, nega o'zimizda ekilmaydi, degan savol bilan qishloq ahliga murojaat qildik.

- Supurgi asosan unumsiz yerlarda ekiladi, - deya tushuntirdi O.Aliqulov. - Boisi, undan ko'p daromad qilinmaydi. Bizning mahalla, umuman, viloyatimizdagi yerlar unumli hisoblanadi. Unda ko'proq daromad keltiradigan qishloq xo'jaligi mahsulotlarini yetishtirish maqsadga muvofiq.

maqsadga muvofiq. Shuningdek, hududimiz sersuv, namgarchilik bor. Supurgi esa nisbatan qurg'oqqhil joylarda yaxshi o'sadi.

DAROMAD QANCHA BO'LYAPTI?

Yana bir qiziq ma'lumot, qozoqxo'jaliklar supurgi o'simligini bog'lamda emas, kilogramda hisoblab sotib olar ekan. Masalan, Sirdaryodan keltirilgan supurgi novdalarining bir kilogrami 10 ming so'mdan olinibdi. 3 kilogramm novdadan 4 ta supurgi chiqadi, deyishdi qishloqdagilar.



- Supurgidan chiqit qolmaydi, - deya gap qo'shdi hamrohlarimizdan biri hisob-kitobga berilib ketganimizni ko'rib. - Kesilgan, singan novdalarini tangiriga o'tin bo'ladi. Ular o'zimizdan ortmaydi, qolaversa, novvoy, somsapazlar ham tez-tez o'tin olgani kelib turadi.

Shu o'rinda yana bir gapni aytib o'tishimiz lozim. To'g'ri, viloyatimizda Qozoqxo'jaliga o'xshash salohiyatli qishloq mahallalar ko'p. Lekin negadir ular haqida deyarli hech qanday ma'lumotga ega emasmiz.

bois biz ham supurgi biznesidan qoladigan asosiy daromadni chamalashga harakat qildik. Xullas, xomcho'timizga ko'ra, uch kilogramm supurgi poyasidan chiqadigan to'rtta tayyor supurgi 12 ming so'mdan tushadi.

Supurgi bog'lovchilarga kelsak, ularga bir dona bog'langan supurgi uchun 2 ming 500 so'mgacha pul berilar ekan. Ishining ustasi bir kunda 80 tagacha supurgi bog'laydi, demak, uning bir kunlik daromadi 150 ming so'm bo'ladi.

Biz qishloqdagilardan bir oyda yoki yilda nechta supurgi sotilishi bo'yicha aniq raqam oloimadik. Lekin uyda supurgi bog'latadigan bir oila yiliga kamida 100 million so'm foyda qilargan ekan.

- Ishni tayyor supurgilarni uyima-uy yurib sotishdan boshlaganman, - deydi Xo'jaakbar Sultonov. - Mana 15 yildirki o'zim supurgi tayyorlayapman. Uyimda har kuni 4-5 nafar qo'shni ishlaydi.

SUPURGILAR XORIJGA EKSPORT QILSA BO'LADI, AMMO...

Ayni kunda Qozoqxo'jadagi tayyorlanayotgan supurgilar nafaqat viloyatimiz, balki butun respublika bo'yicha sotilayotgan ekan. Qishloqdagilarning aytishicha, hozir respublikaning faqat ikki joyida, Andijon va Samarqandda uy supurgilari tayyorlanadi.

- Turli davlatlardagi bozorlarni o'rganyapmiz, - deydi Oybek Aliqulov. - MDH davlatlarida sifati supurgiga talab yuqori ekan. Ammo ularga mahsulotni tizimli eksport qilishga tayyor emasmiz.

QISHLOQNING MUAMMOLARI BOR

Bu qozoqxo'jaliklarning qo'lini kalta qilayotgan yegona masala emas. Aholi bilan muloqotimiz vaqtida yana bir qator muammolar tilga olindiki, ularni ham eslab o'tmasak bo'lmaydi.

Yolg'on bo'lmasa, o'tgan yili qishloqqa tuman va viloyat hokimligidan mas'ullar kelib, aholi bilan uchrashgan ekan. Lekin "Muammolarni hal qilmiz, biznesingizni rivojlantirishga ko'mak beramiz", deya va'da bergan mas'ullar hali amaliy ishni boshlamapti.

Elektromobillarning "ZAPRAVKA" sida MUAMMO BO'LMAYDI

Sonngi o'n yil ichida dunyo miqyosida yoqilg'i bilan harakatlanadigan avtomashinalardan voz kechilib, elektr orqali quvvatlanadigan elektromobillarga o'tilmoqda. 2022-yilda yurtimizga 1314 ta elektromobil olib kiritildi. Biroq ularni "zapravka" qilishda ayrim muammolar paydo bo'lmoqda.

Yurtimizda elektromobillarni ilk quvvatlash stansiyasi 2020-yilda Makro supermarketlar tarmog'i tomonidan o'rnatilgan bo'lsa, hozirgi kunga kelib ularning soni 50 taga yaqinlashdi.

- Ammo bu yetarli bo'lmayapti, - deydi Past Darjom tumanida yashovchi Bahodir Xidirov. - Elektromobil sotib olganimga ko'p bo'lmagan bo'lsa-da, uni quvvatlantirishda muammolarga uchrayapman. Toshkentga boradigan bo'lsam, yo'l-yo'lakay faqatgina viloyatimizning Bulung'ur tumanida mashinani quvvatlash imkoniyati bor.

Prezidentimizning 2022-yil 19-oktabrdagi "Elektromobillardan foydalanishni infratuzilmasini kengaytirish chora-tadbirlari to'g'risida"gi qarori ijrosini ta'minlash maqsadida viloyat hokimining "Yashil" iqtisodiyotga o'tishini jadallashtirish, elektromobillardan foydalanishni ommalashtirish va ularni quvvatlantirish stansiyalari tarmog'i yaratilishini rag'batlantirish va rivojlantirish borasidagi qarori e'lon qilindi.

Unga ko'ra, 2024-yil 1-yanvardan qurib bitkaziladigan savdo va biznes markazlari, ko'ngilochar va dam olish maskanlari, avtomobillarga yoqilg'i quyish shoxobchalari, mehmonxonalar, xalqaro va davlat ahamiyatidagi avtomobil yo'llari bo'yidagi infratuzilma ob'yektlarining loyihalari majburiy tartibda elektromobillarni quvvatlantirish stansiyalari kiritiladigan bo'ldi.

2023-yilda elektr uzatish tarmoqlari, transformator punktlari va nimstansiyalarga tutash hududlarda elektromobillarni quvvatlantirish stansiyalarini o'rnatish uchun yer uchastkalarini auktsionga chiqariladi.

Xalqaro va davlat ahamiyatida. Dilmurod TO'XTAYEV.

qi avtomobil yo'llariga tutash hududlarda joylashgan elektr uzatish tarmoqlari, transformator punktlari va nimstansiyalar yaqinida "Hududiy elektr tarmoqlari" AJ tomonidan elektromobillarni quvvatlantirish stansiyalari barpo etiladi.

Viloyatda faoliyat ko'rsatayotgan avtomobillarga benzin, dizel yoqilg'isi va gaz quyish shoxobchalari 2023-yil 1-dekabr qadar kamida 1 tadan (4 kanalli) 80 kVt va undan yuqori quvvatli elektromobillarni quvvatlantirish stansiyasi o'rnatiladi.

- Viloyat hokimining qaroriga asosan 2023-2024-yillarda elektromobillarni quvvatlash stansiyalarini qurish bo'yicha filialimiz tomonidan reja ishlab chiqilgan, - deydi "Hududiy elektr tarmoqlari" aksiyadorlik jamiyati viloyat



hududiy filiali texnik direktori Alisher Mutalibov. - Tuman va shaharlardagi elektr uzatish tarmoqlari, transformator punktlari va nimstansiyalarga tutash hududlarda 100 ta elektr quvvatlantirish stansiyalari quriladi. Jumladan, Samarqand shahrida 15 ta, Bulung'ur, Ishtixon, Kattaqo'rg'on, Toyloq, Payariq hamda Qodaryo tumanlari hududlarida 10 tadan stansiya 2 yil ichida qurilib, ishga tushiriladi.

Yurtimizda elektromobil quvvatlash shoxobchalari kamligi, bu mashinalarning ommalashtirishiga to'sinlik qilayotgan omillardan biridir. Davlat-xususiy sheriklik asosida butun O'zbekiston bo'ylab har 100 kilometr masofada bittadan quvvatlash stansiyasi tashkil etilsa, yuqoridagi barcha muammolar bartaraf etilib, elektromobillar ommalashtirishiga imkoniyat yaratiladi.

"YANGI O'ZBEKISTON" massivida qurilishlar sifati qanday?



Bulung'ur tumanining G'o'bdin hududida qurilayotgan "Yangi O'zbekiston" massivida 23 ta 5 qavatli uy-joy qurilishi rejalashtirilgan. Bugungi kunda massivda 3 ta qurilish-pudrat tashkiloti tomonidan turarjoy binolarini qurish ishlari olib borilmoqda.

Qurilish-montaj ishlarining sifati olib borilishi viloyat qurilish sohasida hududiy nazorat inspeksiya tomonidan nazoratga olingan. Hududiy nazorat inspeksiya xodimlari tomonidan tuman va viloyat darajasidagi nazorat tadbirlari o'tkazildi.

Asqar BAROTOV, "Zarafshon" muxbiri.

Inspeksiya axborot xizmati.

